



**Kalaallit Nunaanni Namminersorlutik Oqartussat erfalasoqarneq pillugu
suliassa qarfirmik tigusinissaannut atatillugu ataatsimoorussamik
nalunaaruteqarnissamut missingiut**

1. Taamanikkut Naalakkersuisut siulittaasorisimasaata allakkatigut 13. september 2024-imi ullulernerqarsimasutigut erfalasoqarneq pillugu suliassa qarfiup tiguneqarnissaa pillugu noqqaassut saaffiginnissutigisimavaa. Tunngaviusumik inatsisip aamma namminersorneq pillugu inatsisip tamanna periarfissiissutigippassuk, suliassa qarfiup tamarmiusup tiguneqarnissaa pillugu kissaateqartoqartoq, allakkami takuneqarsinnaavoq. Noqqaassut e-mailikkut ulloq 26. maj 2025 ullulernerqartukkut massakkut Naalakkersuisuusunit aalajangiusimaneqarpoq.

Kalaallit Nunaanni Namminersorneq pillugu inatsimmi § 4-mut naapertuuttumik, Kalaallit Nunaanni Namminersorlutik Oqartussat erfalasoqarneq pillugu suliassa qarfirmik tigusinissaat pillugu isumaqatigiinniarnert Naalakkersuisut siulittaasuata aamma qallunaat inatsiseqarnermut siulittaasuata naammassisimavaat.

Kalaallit Nunaanni erfalasulertarnermut malittarisassat atuuttut pillugit nalunaarsuut, isumaqatigiinniarnermut atatillugu suliarineqarpoq. Ataatsimoorussamik nalunaarut inatsiseqarnermut ministeriaqarfiup 10. august 2025-imi nalunaarsugaataaneersuuvoq, nalunaarsuut ilanngussatut ilanngunneqarpoq, aamma ilanngussami inatsisitigut periarfissaliissuteqarnikkut inatsisiliornerni imaluunniit nalunaarusiornerni aalajangersakkat, ataani assilineqartut, peqqissaarussamik allaaserineqarnerat innersuussutigineqarpoq.

2. Tigusinermi kalaallit erfalasua, Erfalatorput, ilusilersorneqarnera pillugu malittarisassat, Kalaallit immikkut erfalasuat pillugu inatsimmi nr. 222-imi, 6. juni 1985-imeersumi, §§ 1-imi aamma 2-mi massakkut malittarisassiuunneqartoq, ilaatinneqartoq, Naalakkersuisut Siulittaasuata inatsiseqarnermullu ministerip isumaqatigiissutigaa.

Kalaallit immikkut erfalasuat pillugu inatsimmi nr. 222-imi, 6. juni 1985-imeersumi aamma Kalaallit Nunaata erfalasua pillugu Inatsisartut inatsisaanni nr. 6, 11. juni 1985-imeersumi nalinginnaasumik oqaaseqaatit malillugit, Kalaallit Nunaanni aamma umiarsuarni, Kalaallit Nunaanni nalunaarsorneqartuni, kalaallit erfalasua atorineqartarnera pillugu malittarisassanik aalajangersaanissamut piginnaatitaaneq, Kalaallit Nunaanni Namminersorlutik Oqartussanut nuunneqareermat, Naalakkersuisut Siulittaasuata aamma inatsiseqarnermut ministerip tamatuma saniatigut maluginiarpaat.



Tamanna pillugu ataani imm. 3-p ataani erseqqinnerusumik allaaserinninnerit malillugit, tigusinermi Kalaallit Nunaanni nunat allat erfalasuisa, kisianni Dannebrogjunngitsup, atorneqarnerat pillugit malittarisassat ilaatinneqartut, Naalakkersuisut Siulittaasuata inatsiseqarnermullu ministerip aammattaaq isumaqatigiissutigivaat. Siunissami aalajangersakkat, erfalasulertarneq pillugu inatsimmi nr. 1449-imi, 10. december 2024-meersumi kapitali 2-mi aamma 3-mi aalajangersakkat takuneqarsinnaasut assingisa, Kalaallit Nunaanni Namminersorlutik Oqartussanit eqqunneqarsinnaanerat, tamatuma kinguneraa. Naalagaaffeqatigiinneq eqqarsaatigalugu aamma savalimmiormiut immikkut erfalasuaata akuersissutigineqarnera pillugu nalunaarummut nr. 373-imut, 27. august 1948-meersumut naapertuuttumik, savalimmiormiut erfalasuaata, Merkið-ip, immikkut ittumik akuersissummik peqqaarani Kalaallit Nunaanni atorneqarsinnaanera suli periarfissaassasoq, tassunga atatillugu Naalakkersuisut Siulittaasuata inatsiseqarnermullu ministerip isumaqatigiissutigivaat. Kalaallit immikkut erfalasuat pillugu inatsimmi nr. 222-imi, 6. juni 1985-meersumi § 4-p ingerlateqqinneqarnissaa tamatuma saniatigut Naalakkersuisut Siulittaasuata inatsiseqarnermullu ministerip isumaqatigiissutigivaat, tassanilu naalagaaffiup sinnerani allani immikkut akuersissummik peqarani kalaallit erfalasuaata atorneqarsinnaanera periarfissaassasoq aalajangersarneqarpoq. Danmarkimi kalaallit erfalasuaata atorneqarnera taamatuttaaq erfalasulertarneq pillugu inatsimmi nr. 1449-imi, 10. december 2024-meersumi § 2, imm. 2-kkut taamatuttaaq inatsisitigut tunngavilerneqarpoq.

Nunat allat erfalasui pineqartillugit, Kunngip peqqussutaa 21. december 1833-meersoq, naalagaaffimmi qitiusumik ingerlatsivimmit kaajallaasitakkut 7. januar 1834-meersukkut nalunaarutigineqartoq, aamma kunngip peqqussutaa 7. juli 1854-meersoq, kaajallaasitakkut 2. august 1854-meersukkut nalunaarutigineqartoq, taamaallaat oqaluttuarisaanermut tunngasumik suussuseqarmata, aammattaaq Naalakkersuisut Siulittaasuata inatsiseqarnermullu ministerip isumaqatigiissutigivaat.

3. Folketingstidende 2008-09, ilanngussaq A, qupperneq 4178, aamma namminersorneq pillugu isumalioqatigiissitat, Kalaallit Nunaanni namminersorneq pillugu isumaliutissiissutaanni qupperneq 262 malillugit, Kalaallit Nunaanni naalagaaffiup erfalasuaata (Dannebrogip) atorneqarnera eqqarsaatigalugu malittarisassanik atulersitsinerup allaffissornerullu isumagineqarnera, naalagaaffiup suliassaatur isigineqarnissaa, Kalaallit Nunaanni Namminersorneq pillugu inatsimmi oqaaseqaatit malitsigigaat, Naalakkersuisut Siulittaasuata inatsiseqarnermullu ministerip maluginiarpaat.



Tigusinerup kingorna taamaalilluni naalagaaffimmi oqartussaasut aamma inuinnaat Kalaallit Nunaanni Dannebrogimik atuinerannut sulii Inatsiseqarnermut ministereqarfik malittarisassanik aalajangersaasinnaavoq, massakullu tamanna kalaallit immikkut erfalasuat pillugu inatsimmi nr. 222-imi, 6. juni 1985-imeersumi § 3-mi malittarisassiuunneqarpoq. Tassunga atatillugu Dannebrog erfalasutut issoqqaarissutut aamma erfalasutut akulaasalittut Danmarkip Naalagaaffiani nunap erfalasuattut taamaattoq isigineqarput. Kalaallit immikkut erfalasuat pillugu inatsimmi nr. 222-imi, 6. juni 1985-imeersumi § 3-mi aalajangersagaq, tigusinerup kingorna ingerlateqqinneqassasoq, tigusinerup atatillugu Naalakkersuisut Siulittaasuata inatsiseqarnermullu ministerip taamaalillutik isumaqatigiissutigaa.

Folketingstidende 2008-09, ilanngussaq A, qupperneq 4116 malillugu, Kalaallit Nunaanni Namminersorneq pillugu inatsisip ilanngussartaani suliaasaqarfik “Umiarsuarnik nalunaarsuineq inatsisillu immakkut angalasunut atuuttut”, nalunaarsukkat II-mi, nr. 21-itut allanneqartumi, suliaasaqarfik taanna pisortani- aamma eqqartuussinermik ingerlatsinermi aamma inatsisitigut periarfissaliissuteqarnikkut inatsisiliornerni imaluunniit nalunaarusiornerni aalajangersakkat tamatuma qanoq ingerlanneqarnissaanut aalajangiisut pillugit apeqquutit arlallit ilaatigut ilaatinneqarnerat takuneqarsinnaasoq, matumani umiarsuit sorliit qallunaat erfalasuata ataani umiartorsinnaanerit ilanngullugit, aammattaaq Naalakkersuisut Siulittaasuata inatsiseqarnermullu ministerip maluginiarpaat. Tassunga atatillugu tigusinermi matumani “Umiarsuarnik nalunaarsuineq inatsisillu immakkut angalasunut atuuttut”, pillugit suliaasaqarfiup ilaatinneqannginnera, Naalakkersuisut Siulittaasuata inatsiseqarnermullu ministerip isumaqatigiissutigaa.

4. Tigusinerup kingorna, erfalasoqarneq pillugu suliaasaqarfimmi qanittumik suleqatigiinnerup attatiinnarneqarnissaa, Naalakkersuisut Siulittaasuata inatsiseqarnermullu ministerip isumaqatigiissutigaa.

Inatsiseqarnermut ministereqarfiup allakkiaa 10. august 2025-meersoq, Kalaallit Nunaata erfalasoqarneq pillugu suliaasaqarfimmut tigusinissaanut piareersaanermi atugassaq, ilanngussatut ilanngunneqarpoq.

København, ulloq 13. januar 2026

Jens-Frederik Nielsen
Naalakkersuisut Siulittaasuata

Peter Hummelgaard
Inatsiseqarnermut ministeri